



HAFNARFJARÐARKIRKJA, yfirlit yfir breytingar og endurbætur innanhúss

1. Veggir.

Gert verður við málaðar skreytingar á veggjum samkvæmt leiðbeiningum og undir umsjón forvarðar. Settur verður upp nýr veggur milli gangs og snyrtingar og innihurð færð til austurs. Fjarlægður seinni tíma veggur í vesturenda geymslu. Allir veggir kirkjunnar verða málaðir að nýju.

Flóttaleið af sönglofti verður gerð reykþétt frá framkirkju með þéttlistum og hurðarpumpu.

2. Gólf og stigar.

Núverandi gólfefni ásamt gólfíögn verður fjarlægð. Gólf í framkirkju, annað en undir bekkjum, ásamt gólfum í forkirkju, stigahúsi, gangi og snyrtingu, verður klætt rauðum Óland-steini. Þetta á einnig við um þrep í kórdrum. Gólf undir bekkjum, í kór, skrudhúsi og geymslu, á sönglofti og í afdrepi fyrir söngfólk, verður klætt nýjum plægðum gólfborðum, sem verða oliuborin. Kjallaragólf undir kór verður lækkað um 20 cm og kjallarastigi færður til austurs. Þrep og táborð í stiga upp á söngloft verða hreinsuð og oliuborin.

3. Loft.

Gert verður við málaðar skreytingar í hvelfingum samkvæmt leiðbeiningum og undir umsjón forvarðar. Hvelfingar og loft verða máluð að nýju.

4. Innréttingar.

Kirkjubekkjum verður fækkað og gerður gangur eftir miðri þverálmunni, þvert á miðgang milli bekkjaraða, sem tengist inngangi í safnaðarheimili. Bil milli bekkja verður aukið lítillega frá því sem nú er. Settjarir verða breikkaðar og bólstraðar að nýju og settir í bekkina bólstraðar bakslár. Fætur undir bekkjum verða endurgerðir í upphaflegri mynd. Nýtt orgel verður sett í kirkjuna. Uppsett nýtt kaffieldhús í afdrepi fyrir söngfólk og borð með vaski í geymslu. Allt tréverk verður málað.

5. Lagnir og loftræsting.

Ofnar í framkirkju og kór verða lagðir niður. Í kirkjuna verður sett nýtt lofthitunar- og loftræstikerfi. Er lofti blásið inn um sjö ristar í framkirkjugólfi en bakrásarloft dregið í gegnum

þrjár útsogsristar sem eru í kórgólfi og framan á norðanverðum austurvegg í framkirkju. Ofnar í forkirkju og bakrýmum verða ýmist nýir eða endurnotaðir. Í gólfi framkirkju eru PEX-plastpípur í hlífðarpípum ("rör í rör") fyrir ofnakerfið en aðrar pípur í ofnakerfinu eru hefðbundnar svartar stálpípur. Settur verður gólfhiti í forkirkju.

Ný inntök fyrir kalt vatn og hitaveitu verða tekin inn í jarðhúsið og núverandi inntök, sem eru í kirkjunni, lögð niður. Nýjar ryðfríar stálpípur og PEX-pípur verða lagðar í staðinn fyrir eldri kaldavatnspípur.

Núverandi snjóbræðslukerfi, sem er án forhitara með innspýtingu beint úr hitaveituæð strax og frýstir en óháð snjókomu, verður breytt í lokað frostlagarkerfi með innspýtingu sem er háð snjókomu.

Í kirkjuturn verður sett upp lítil loftræstisamatæða sem dælir kældu lofti inn á söngloftið.

Í jarðhúsið verður settur dælubrunnur með brunndælu og frárennslið tengt frárennsliðslögn kirkjunnar.

6. Rafkerfi.

Alla raflagnir verða endurnýjaðar og gerðar huldar. Ljósastýribúnaður verður Instabus. Aðaltafla kirkjunnar verður í nýju jarðhúsi og verður þar tekin inn ný heimtaug. Í hana koma stofnar, ásamt ljósastýringum ljósa í kór. Ný greinitafla verður sett í turn. Í hana koma ljósastýringar fyrir öll ljós, önnur en í kór, ásamt stýringu fyrir loftræstingu fyrir söngfólk á sönglofti.

Brunakerfi verður sett í loftstokka, hefðbundnir reykskynjarar, handboðar og bjöllur samkvæmt reglugerðum. Ut- og neyðarlýsingum verður komið fyrir í kirkjunni. Sett verður upp þjófa- og aðvönarkerfi til að verja innganga kirkjunnar.

Hljóðkerfi er byggt upp með (DSP) stjórnningu sem allir hljóðinngangar tengjast inn á og hljóðslaufa verður inndregin í gólfíögn.

JARÐHÚS FYRIR TÆKNIBÚNAÐ, lýsing.

Jarðhúsið er staðsett á kirkjulóðinni austan kirkju. Það verður fellt inn í landið, þannig að ekki skyggi á ásýnd kirkjunnar. Húsið verður hulið jarðvegi og tyrft yfir. Af því verður ekki annað sýnilegt en inngangur um kjalaratröppur og steinsteypt handrið við tröppur.

Jarðhúsið er steinsteypt hús og einangrað að utan. Það er 39,7 fermetrar að stærð og 101,2 rúmmetri. Í húsinu verður nýtt loftræsi- og lofthitakerfi fyrir kirkjuna, einnig aðalrafmagnstafla kirkjunnar og snjóbræðslugrind. Þá verður í húsinu geymsla fyrir garðáhöld.

Undirstöður, grunnplata, veggir og þakplata er staðsteypt. Sökkjar og veggir eru yfirborðsmeðhöndlaðir með þéttimúr. Þakplata er lögð asfaltduk með tilheyrandi frágangi og tyrft yfir. Frágangur veggja við tröppur verður sá sami og er í dag á öðrum veggjum á kirkjulóðinni. Kjalaratröppur eru með þrepum í niðju og skábrautum fyrir sláttuvél til hliða. Snjóbræðsla er í tröppurum. Frágangur innanhúss: Veggir og loft holufyllt og málað, gólf með íögn og epoxy-málað.